

Agencija za vodno područje rijeke Save izdala je **OBAVJEŠTENJE O PROGNOZI VANREDNOG HIDROLOŠKOG STANJA ZA PERIOD 25.01. do 27.01.2026. godine.**

Uslijed prognoziranih obilnijih padavina na području Hercegovine, centralne, jugozapadne i jugoistočne Bosne te porasta temperature zraka koja će usloviti topljenje snijega, očekuje se porast vodostaja na većem dijelu vodnog područja rijeke Save u Federaciji BiH, posebno na gornjim dijelovima slivova Vrbasa i Bosne.

S obzirom na očekivane količine padavina na pojedinim dijelovima slivova, moguća je pojava bujičnih i urbanih poplava.

Od 25.01. do 27.01. prognozira se vanredno hidrološko stanje zbog povišenih vodostaja, mogućeg lokalnog izlivanja vode iz korita, posebno na područjima:

- Gornjeg dijela sliva Vrbasa,
- Gornjeg i srednjeg dijela sliva Bosne (uključujući pritoke Lašvu i Fojničku rijeku)

Obavještenje o prognozi vanrednog hidrološkog stanja odnosi se na područje Srednjobosanskog, Zeničko-dobojskog i Kantona Sarajevo.

Kantonalna uprava za civilnu zaštitu SBK/KSB pratit će situaciju na terenu i postupati u skladu sa ovlaštenjima, a službama koje provode mjere i aktivnosti zaštite i spašavanja ljudi i materijalnih dobara preporučuje se pojačan oprez.

Upozorenje stanovništvu da postoji opasnost od prilaska obalama s obzirom na moguće povećanje dubina i brzina tečenja vode u rijekama.

